

Evening Dogri (NSD) Bulletin 15-07-2024

आकाशवाणी

खास खबरां

- 1 भारत नै मार्शल आईसलैंड कन्नै समुदाय आलिएं 4 परियोजनाएं दी सैहमति पत्रें पर दस्तखत कीते न।
- 2 श्री के.पी.शर्मा मोली होरें नेपाल दे प्रधानमंत्री दे औहदे दी सगंध लैती, उंदे नै ताजा तरीन भ्याल पार्टिएं थमां 21 मंत्रिएं बी सगंध लैती।
- 3 बंग्लादेश दियां प्रधानमंत्री शेख हसीना होरें इच्छा जाह कीती जे भारत टीस्टा परियोजना गी लागू करै।
- 4 श्री विक्रम मिश्री होरें विदेश सचिव दे औहदे दा कम्मकार सांभी लैता।
- 5 गृहमंत्री अमित शाह होरें असम, गुजरात ते उत्तर प्रदेश च बने दे हाड़ दे हालात उप्पर इनें राज्यें दे मुखमंत्रिएं नै गल्लबात कीती।
- 6 मौसम विभाग नै उत्तराखंड, पूर्वी उत्तरप्रदेश ते पूर्वी राजस्थान च कुतै-कुतै भारी बरखें दी पेशगोई कीती ऐ।



Marshal

विदेश मामलें दे मंत्री डॉ. एस.जयशंकर होरें आखेआ जे भारत ते मार्शल आईसलैंड दी मित्री आले आपूं च सरबंधें दा लम्मा इतेहास ऐ जिंदा समें कन्नै विस्तार होआ ऐ। मार्शल च सामुदायिक विकास दी 4 परियोजनाएं दे लागू होने लेई सैहमति पत्रें पर दस्तखत दे मौके संदेश च डॉ. जयशंकर होरें आखेआ जे प्रशांत क्षेत्र च एह आईसलैंड शड़ा शीर्ष नेइं बलके विशाल समुंद्री देश ऐ। उनें आखेआजे टिकाऊ विकास दी खोज गी समर्थन देना भारत अपनी जिम्मेदारी

मन्नदा ऐ। विदेश मंत्री होरें आखेआ जे जलवायु परिवर्तन ते स्वास्थ्य दिक्खभाल सांझा चुनौतियां न जिंदे नै पार पाने लेई दौनें देशें गी रलियै कम्म करने दी जरूरत ऐ। उनें आखेआ जे भारत गी इत्त सरबंघै च प्रशांत द्वीपें दा सांझेदार होने दा विशेष अधिकार ऐ।

<><><><><><>

Nepal

श्री के.पी.शर्मा ओली होरें नेपाल दे नमें प्रधानमंत्री दे तौरा पर सगंध चुकी। उंदे ने 4 होरने भ्याल पार्टिएं दे 21 मंत्रिएं बी उंदे ने पद ते गोपनीयता दी सगंध लैती। राष्ट्रपति राम चन्द्रा पॉडेल होरें पद ते गोपनीयता दी सगंध चकाई। 72 ब'रें दे सीपीएन-यूएमएल अध्यक्ष के.पी.शर्मा ओली होरें एहू पद-भार उसलै सांभेआ जिसलै पुष्प कमल दाहल होरें गी शुक्रवार सत्ता शा बाहर कीता गेआ। सगंध समारोह काठमंडू दे राष्ट्रपति भवन दे शीतल निवास च लोआया गेआ। इस मौके उपराष्ट्रपति राम साहाय प्रसाद यादव, साबका प्रधानमंत्री ते नेपाली कांग्रेस अध्यक्ष शेर बहादुर देयूबा, साबका प्रधानमंत्री पुष्प कमल दाहल प्रचंड, सदन दे स्पीकर देवराज होर बी उत्थें मजूद हे। राष्ट्रपति रामचन्द्रा पॉडेल होरें के.पी.शर्मा ओली होरें गी नेपाल दे संविधान दी धारा 76(2) मताबक ऐतवार गी प्रधानमंत्री हुंदे पद उप्पर नियुक्त कीता। दऊं नमें उपप्रधानमंत्रिएं गी नियुक्त कीता गेआ ऐ, जिंदे च इक नेपाली कांग्रेस दे प्रकाश मान सिंह ते दुए सीपीएन-यूएमएल दे बिष्णु प्रसाद पॉडेल होर न। दौनें गी उप-प्रधानमंत्री दे तौरा पर पद ते गोपनीयता दी सगंध चकाई गई। प्रकाश मान सिंह होरें गी उप-प्रधानमंत्री दे अलावा शैहरी विकास मंत्री दे तौरा पर ते बिष्णु पॉडेल गी खजाना मंत्री दे तौरा पर बी नियुक्त कीता गेआ ऐ। ओली हुंदी अगुवाई दे मंत्रिमंडल च एनसी, यूएमएल, जनता समाजवादी पार्टी ते लोकतांत्रिक समाजवादी पार्टी थमां मंत्री बी शामिल न।

<><><><><><>

BJP Protest

बीजेपी नै अज्ज राश्ट्री राजधानी च दिलली सरकार आस्सेआ शैहरा च बिजली दी कीमतें च बाद्धे गी लेइयै दक प्रदर्शन कीता। दिल्ली च बिजली बंड आलिणं कंपनिणं हाल च गै बिजली खरीद सरबंशधी कीमतें च 6.75 थमां 8.75 दा बाद्धा कीता ऐ। बीजेपी दे नेताणं ते कर्मिणं शैहरें दे बक्ख-बक्ख हिस्सें च मुद्दे गी लेइयै तख्तियां दस्सियां ते अरविंद केजरीवाल सरकार खलाफ नारेबाजी बी कीती। दिल्ली बीजेपी प्रमुख विरेन्द्र सचदेवा होरें शैहर च सरकार उप्पर जबानी हमला कीता ते इनें कीमतें गी वापस परताने दी मंग कीती। इक होर पाट्टी नेता मनोज तिवारी होरें आखेआ जे दिल्ली दे लोक इनें कंपनिणं गी ते ना गै आम आदमी पार्टी गी इस मुद्दे उप्पर माफ करगंन।

<><><><><><>

Bangladesh Teesta

बंगलादेश दियां प्रधानमंत्री शेख हसीना होरें आखेआ जे ओह चांहृदियां न जे भारत टीस्टा परियोजना गी लागू करे की जे एह गोआंठी मुख्य कन्ने सरबंघत ऐ। उनें ठाका च उंदे चीन दे हालिया दौरे दे नतीजे लेई इक संवाददाता सम्मेलन च इक सुआल दा परता दिंदे होई इआं आखेआ। उनें आखेआ जे चीन नै टीस्टा परियोजना उप्पर संभावनाणं दा पता लाने लेई अध्ययन कीता ऐ ते इस लेई प्रस्ताह बी दित्ता ऐ ते भारत नै बी इस लेई प्रस्ताह दित्ता ऐ जे संभावनाणं दा तौले गै भारत पास्सेआ बी पता लाया जाग। बंगलादेश दिणं प्रधानमंत्री होरें आखेआ जे ओह भारत गी इस ताई प्राथमिकता देंगन। उनें आखेआ जे भारत थमां टीस्टा नदी दा पानी औंदा ऐ ते उनेंगी परियोजना हत्थें च लेनी लोडचदी ऐ। जेकर भारत इस ताई अगगे बधोग तां बंगलादेश हर मुमकन जरूरी लोडचदी सहायता प्रदान करोग। यूएनबी दी रिपोर्ट मूजब उनें आखेआ भारत आस्सेआ संभावनाणं दा पता लाने दे बाद उंदी सरकार बंगलादेश गी रास औने आले प्रस्ताह कन्नै खडोग। गौरतलब ऐ जे भारत ते बंगलादेश दियां 54 सांझी नदियां

न। दौनें देश हाड़ प्रबंधन, समें कोला पैहले गै करोपिंए लेई सावधान करने ते पीने आले पानी सरबंधी परियोजना उप्पर सैहयोग कीता जा'रदा ऐ। बंग्लादेश दिएं प्रधानमंत्री हुंदे भारत दे हाल दे दौरे दरान दौनें मुख्यें बंग्लादेश च टीस्टा नदी दे संरक्षण ते प्रबंधन उप्पर चर्चा लेई मन्नी गे हे।

<><><><><><>

Misri Foreign Secretary

विक्रम मिश्री होरें अज्ज विदेश सचिव दा औहदा संभालेआ। इंदे कोला पैहले श्रीविनय क्वात्रा होर इस औहदे उप्पर अपनी सेवा देआ'रदे हे, जिंदा कार्यकाल कल समाप्त होइ गेआ। श्री मिश्री होर 1989 बैच दे आईएफएस अफसर न ते ओह नैशनल सिक्यूरिटी काउंसल सैक्रेटेरियट च डिप्टी नेशन सिक्यूरिटी एडवाइसर दे तौरा पर अपनी सेवा देआ'रदे हे। इनें चीन, म्यांमार ते स्पेन च भारती दूत दे तौरा पर कम्म कीते दा ऐ। श्री मिश्री होरें गी त्रऊं प्रधानमंत्रिं जिंदे च 1997 च इंदर कुमार गुजराल, 2012 च मनमोहन सिंह ते 2014 च नरेन्द्र मोदी शामिल न, हुंदे निजी सचिव दे तौरा पर कम्म करने दा गौरव हासल ऐ।

<><><><><><>

Jayant-World Skills Day

कौशल विकास ते उद्यमिता मंत्री जायंत चौधरी होरें आखेआ जे "स्किल इंडिया स्कीम" तैहत अजे तोड़ी 46 लख कोला मते लोके गी कुशल बनाया गेआ ऐ। नमीं दिल्ली च अज्ज विश्व युवा कौशल दिवस कार्यक्रमें गी संबोधत करदे होई श्री चौधरी होरें आखेआ जे 10 ब'रे पैहले इक बखरा मंत्रालय बनने लेई भारत दी कौशल विकास ते उद्यमिता दे क्षेत्र च इक विशेष यात्रा रेई ऐ। उनें आखेआ जे उंदा मंत्रालय होर मतियां समावेशी योजना बनाग, जिस राएं भारत गी 2047 च विकसित राष्ट्र बनाने दी यात्रा च योगदान दित्ता जाई सकै। मंत्रालय नै आखेआ जे इस ब'रे दा विषेय शांति ते विकास ऐ। उनें आखेआ जे जित्थे शांति होग उत्थें गै विकास होई सकोग। इस मौके श्री चौधरी होरें कौशल विकास दी

सिखलाई लैते दे नोजवानें कन्नै गल्लबात कीती ते प्रशिक्षकें गी सम्मानत बी कीता ।



EAM-Nepal

विदेश मामले दे मंत्री डॉ. एस.जयशंकर होरें आरजु राणा देयूबा होरें गी नेपाल दा विदेश मंत्री नियुक्त होने पर ममारकबाद दित्ती। अपने सनेह च डॉ. जयशंकर होरें आखेआ जे ओह उंदे नै कम्म करने दे इच्छुक न ते भारत-नेपाल बहुआयामी मित्री गी अगो बधाने दे बी इच्छुक न ।



Rijiju Tribute

पार्लिमानी ते अल्पसंख्यक मामलें दे मंत्री किरन रिजिजू होरें कल द्रास दे कारगिल युद्ध स्मारक थाहर आपरेशन विजय दे बहादुर सैनिकें गी श्रद्धांजलि भेंट कीती। इस दरान उनें 1999 च कारगिल युद्ध दरान भारतीय सैनिकें आस्सेआ दित्ते गेदे बलिदान गी चेता कीता। अपने दौरे दरान रिजिजू होरें सेना कर्मिण कन्नै गल्लबात कीती ते उंदे समर्पण ते सेवा आस्तै आभार जाहर कीता। इनें बहादुर नायकें दी महत्ता ते उंदे बलिदान बारे बोलदे होई रिजिजू होरें आखेआ जे इनेंलोकें अपना सर्वोच्चय बलिदान दित्ता तां जे मुख्य च शांति ते रमानदारी बनी दी रवै। इस करी हर भारतीय गी लोडचदा ऐ जे ओह अपने जीवनकाल च इक बारी भारत दे नायकें गी सम्मान देने आस्तै इत्थें आवै ।



Amit Shah

गृहमंत्री अमित शाह होरें असम, गुजरात ते उत्तर प्रदेश दे मुखमंत्रिणं कन्नै राज्यें च हाडें दे हालात दी जानकारी लैने लेई गल्लबात कीती। श्री शाह होरें इनें राज्यें च बधदे दे जल-सत्र दे बारे बी जानकारी हासल कीती। मंत्री होरें केन्द्र थमां हर मुमकिन मदद देने दे बारे आश्वासन दित्ता।

<><><><><><>

IMD

भारतीय मौसम विभाग नै उत्तराखंड, पूर्वी उत्तर प्रदेश ते पूर्वी राजस्थान च अज्ज कुतै-कुतै भारी बरखें दी पेशगोई कीती ऐ। उत्तराखंडख उत्तर प्रदेश ते राजस्थान च अंध-झक्खड़ ते शमानी बिजली चमकने दी बी पेशगोई कीती गई ऐ। मौसम विभाग नै अज्ज हरियाणा, उत्तर प्रदेश ते दिल्ली दे किश इलाकें च हल्की थमां मझाटले दर्जे दी बरखा ते कन्नै अंधी-झक्खड़ ते शमानी बिजली दी बी पेशगोई कीती। अज्ज दक्खनी गुजरात दे किश हिस्सें खास करियै सूरत, बारूच ते नर्मदा जिले च मौलेधार बरखा होई। सूरत दे उमर-पदा च पिछले दऊं घेंटे बड़ी मती बरखा होई। राश्ट्री राजधानी च शमाने च सुधे-दुबे दे बदल घनोए रेह ते हल्की बरखा ते अंधी झक्खड़ दी पेशगोई बी कीती गई ऐ। दिल्ली च बद्धोबद्ध तापमान 36 डिग्री सैल्सियस ते घट्टोघट्ट तापमान 31 डिग्री सैल्सियस रौहने दी मेद बुज्झी गई ऐ।

<><><><><><>

Coal Mining

कोयला मालय नै अज्ज 7में गेड़ दे दुए प्रयास तैहत त्रै कोयला खदानें लेई कोयला खदाने दे विकास ते उत्पादन सरबंधी समझौते गी लागू करी दितता ऐ। व्यवसायिक कोयला खदानें सरबंधी इक बड़ी गैं च मच्छाकाटा कोयला खदान, कुडानली-लुबरी कोयला खदान ते सरवी-गोपाल-बी-काकुरही कोयला खदान

लेई समझौते गी लागू कीता जाग। परियोजना लेई एनएलसी इंडिया लिमिटेड, गुजरात मिनरल डवैलपमेंट कारपोरेशन लिमिटेड ते तमिलनाडू जनरेशन ते डिस्टीब्यूशन कारपोरेशन लिमिटेड ने बौली जित्ती ही। त्रौनें खदाने दी व्यवसायिक बोली तैहत सलाना तखमीना कोई 3 जहार करोड़ रपे दा राजस्व किट्ठा होब। इनें परियोजनाएं गी शुरू होने परैत प्रतयक्ष ते अप्रतयक्ष तौरा पर कोई 40 जहार नौकरियां खडेरियां जांगन।

<><><><><><>

ICAR Foundation Day

राई-बाई अनुसंधान सरबंधी भारतीय काउंसल दे दऊं दिनें तोड़ी चलने आले स्थापना ते टैक्नालोजी दिवस अज्ज नमीं दिल्ली च शुरू होआ। पैहले ध्याड़े स्कूली बच्चें गी राई-बाई ते एहदे नै जुड़ी दी ते बरतने आली टैक्नालोजी दे बारे ज्ञान सांझा करने लेई उनें गी साद्धा दित्ता गेआ ऐ। इस मौके विद्यार्थिएं राई-बाई सरबंधत नमिएं काहडें ते टैक्नालोजिएं उप्पर अधारत आयोजित इक प्रदर्शनी बी दिक्खी। केन्द्री राई-बाई ते करसान कल्याण मंत्री शिवराज सिंह चौहान होरें अधिकारिक तौरा पर राई-बाई ते करसान कल्याण राज्य मंत्रिएं भागीरथ चौधरी ते राम नाथ ठाकुर हुंदी मजूदगी च स्थापना दिवस दा कल उद्घाटन कीता हा। इक संवाददाता सम्मेलन च राई अनुसंधान ते शिक्षा सचिव ते डीजी आईसीएआर हिमांशु पाठक होरें काउंसल दिएं पैहल उप्पर जोर भरेआ जियां जे 100 दिन ते 100 किस्मां ते 100 दिन ते 100 टैक्नालोजी सरबंधी जल प्रबंधन, मिट्टी दी सेहत, जाचना जैविक खेती ते होरने उप्पर लाह बी पाई।

<><><><><><>